



5466
1184
(2)

2

5466/1184

恭愨公蘭堂遺稿



恭愨公蘭堂遺稿上卷



太子少師光祿大夫襲封衍聖公孔毓圻鐘在著

孫繼

汾 編輯 涑

襲爵入謝蒙

太皇太后召見

內廷

垂問家世

天顏霽悅情如家人父子幸臣孔毓圻之遭也恭

紀

九齡承世爵奉

召入璇宮

太后憐臣小

至尊念祖功從容天上語戰兢日邊躬出殿爭

趨問簪纓集百工

同諸臣朝於

乾清宮及退

上命由

御道出固辭不得感激惶恐之至恭紀

清嚴辨色入

內殿藹朝暎祖德箕裘忝

天顏笑語溫列班齊上相出

陛許中門趨走真惶悚殊榮荷

帝恩

蛛網

蜘蛛竭蹶亦徒勞自謂張羅計獨高未解網成還
易破風前却畏小兒曹

其二

經綸滿腹影團團
白蝶黃蜂見膽寒
為笑空中徒自結
蝶蜂天地本來寬

其三

不問蜘蛛智與愚
從來勝計半成輸
但能識得此中理
無數機關自也無

春曉

春已將歸矣
熹微曉若何
花深留鳥語
風細散簾波
落月牕猶見
遙天雁忽過
起看芳徑裏
新露著

青莎

九日同人登高

菊似陶公徑
詩慚尹氏歌
登高秋景老
縱目遠山多
紅葉村前樹
寒波霜後河
醉憑桑落酒
揷鬢興如何

其二

忽聞北雁至
知是又重陽
紅葉堪題句
良朋共舉觴
天高秋帽落
雲黯晚花黃
遍地沉金甲
西風戰幾場

閒句

清秋兩過雁初飛樹遶空亭半夕暉天上浮雲疑
有意故將掩冉碧羅衣

賦得舞雩歸咏春風香

春深臺古向城邊日照芳華景色妍童冠歸來歌
不斷春風猶繞舞雩前

王阮亭席上口占

當代稱風雅如君見幾人文章流海甸聲譽達
楓宸劉應虛前席盧揚託後塵名高官不減交重

道無倫自昔思親李如今喜會荀芳蘭言共契華
燭坐相親雲聚鄉園夢花同京國春明朝欲分手
玉學不辭頻

鬪雞臺懷古

昔日鬪雞人已去如今空上鬪雞臺三家爭競傳
金距千古荒涼獨土堆野鳥回翔山色黯小村曲
折水聲來幾看塵世滄桑變往事何堪再首迴

元旦

爆竹滿春城心驚時序更漫將毛穎子來試褚先

生莫英徵新葉屠蘓斟巨觥東郊殘雪後應動綠
紅情

康熙甲子冬十一月

乘輿自南還將至闕里臣孔毓圻率族人恭迎宿

遷道中時

上方御舟渡河碩臣等跪伏河干

命侍衛傳

旨曰知爾不善騎不能隨朕同行可先歸於闕里

伺候今日尚早猶可趨行不必至行宮請安矣

奉

命恭紀

南巡聞

駕轉徐州如海

恩波處處流戴月披星迎

翠葆景風麗日渡

龍舟觀

光溫語頻添喜奉

命前驅只小留魯國諸生齊望

幸清時崇道此

宸遊

恭遇

駕詣闕里釋奠

先師臣毓圻祇率族人得與陪

位復蒙

天語

訓誨諄諄恭紀二律敬和

聖製過闕里詩原韻

闕里停

天仗從容

幸 祖堂禮容虔跪拜道契見羨墻海甸敷文遠

尼山承澤長小臣瞻

穆穆瑞霭集冠裳

其二

聖主崇經學筵開詩禮堂

王言迪子姓

御翰壯宮墻醴酌瑤尊古庭留

寶蓋長幸逢文

教洽

天子自垂裳

荷蒙

天思念臣毓圻祖母陶氏苦節

特賜

御書節並松筠四字匾額臣祇領恭紀

闕里遙臨

玉輦長守貞親奏祖慈良冰霜久勵寧湮沒日月

中懸定表章

宸翰自天揮

鳳藻

皇恩奕代荷

龍光捧頌四字家羅拜白髮扶持祝

聖王

聖駕臨幸闕里恭紀

聖恩詩一百韻

文治高千古

神功冠百王昭回儲玉斗廣運叶珠囊 鴻業方

頻廓丕基卜永臧威弧除孽兪戰艦靖鯨鱸三藩定

封禪之典上西舉

德比中天盛

恩流薄海滂車書同朔漠候尉過氏羗瑞獸馴靈
囿珍禽獻越裳馬牛弛服馭琛賁競梯航至化從
箕畢休徵脩兩暘巍巍難可竝蕩蕩莫能詳沐浴
皇風暢謳歌

帝力忘郵隆者已治

軫念尚如傷 旰食恒無逸 宵衣每不遑量元

齊覆載手自致安攘濬哲謙彌著欽明抑愈彰右

文窮學海稽古發書倉遜志期終始虛懷樂就將
拜言宗夏妣主善法殷商洙泗儒風在春秋教澤
長麟書先紀瑞虹玉晚徵祥汲汲恒忘老栖栖竟
舍葳漫占龍德隱寧問鳳歌狂吾道雖云否斯文
幸未亡六經昏室燭一貫濟川梁運啟千年
聖心符數仞墻遂頌

天子駕遠過 素王鄉拜洛堪輝映遊河庶頡頏
巡行時正泰順動月逢陽馳道霓旌出期門羽衛
強夔龍爭扈從褒鄂効勛繡陌三驅遠銀河一

帶杭恬波憑竹箭昇俗勸農桑

巡歷句吳徧

鑾迴泰岱旁

六龍雕玉轡八馬赭絲韁 帳殿榮光護 帷宮

瑞靄翔清流經汶濟碧嶂指尼防典禮咨宗伯威

儀飭奉常奉太學樂舞生袍服至闕遣太常官先

期虔滌濯經月肄筵簣企仰卿雲近遙瞻湛露灑

和風冬晻曖晴旭曉蒼涼菡萏金根動葳蕤繡幃

張虎賁黃袴褶豹尾綠沉槍會弁蟻璣燦華翎孔

翠揚兆民欣抃舞五氏競趨踰鷺序班初合葱珩

佩有瑒 豫遊行緩緩

宸眷喜洋洋夙戒棲神宇修誠候

帝閭闕宮晨乍啟庭燎夜相望月轉觚稜黑烟籠

玉碣蒼導從門左个位設殿中央穆穆

天容泰安安

帝度莊元臣鳴劔珮髦士奉圭璋奕禩尊壘古干

秋俎豆香音容瞻對近左右駿奔忙信以蘋繁薦

馨傳錡釜湘牲牲昭博碩黍稷告豐穰律應雲門

奏聲和嶰谷篁貫珠成翕繹拊石協鏗鏘綴兆舒
還疾麾幢偃復抗金卮浮桂醕玉瓚酌椒漿大祝

陳嘉幣司筵薦吉璜初行九拜禮先是禮部議親祭儀注行

兩跪六叩頭禮奉先師應行三跪九叩頭禮式煥兩楹光象設

旋披幄龍蹲儼在床畫圖環轍蹟琬琰撫墻匡

曠典崇師表隆規邁漢唐寶跗傳結構銀榜倍

煒煌

恩撤勾陳仗榮留寶蓋黃祀闕里上諭歷代帝王致

朕今親詣行禮務極尊崇至聖異於前代所曲柄黃蓋留之廟中以示朕尊聖之意諭

畢繼留供廟庭四時饗祀陳之御前常用黃每教逢盥薦長許

侑烝嘗更

御經筵座還

升詩禮堂明新歸至善爰象本乾剛筵上御講

生孔尚鉉講聖經首節舉

異命何諄切臣心倍悚惶講經書畢命大學

諭臣毓圻等曰至聖之道與日月並行與天

地同運萬世帝王咸所師法下逮公卿士庶罔不

率由爾等遠承聖澤世守家傳務期型仁講義
履中蹈和存忠恕以立心敦孝弟以修行斯須弗
去以奉先訓以稱朕懷遺蹤承
爾等其祇遵勿替特諭

頤問敷奏指微茫

闕里

御講筵畢成意欲

諭朕初至

聖遺蹟着衍聖公孔毓圻山東巡撫張鵬口老檜

如金鐵孤根耐雪霜泉餘寒井泮詩禮堂後

上頤歎良久臣奏曰此臣祖當年杏傍古壇芳漆

簡留殘壁丹書缺閉房豐碑羅巔巔傑閣秘縹緗

仰被

龍光渥重

臨馬鬣荒已叨紆日馭更荷酌霞光

釋奠後即

復酌酒三叩頭俯仰公西誌徘徊端木塲靈著枝見采文

草蔓經量

文草生根葉花實具五色五味

林內禽知避

林中無雀巢亭邊楷不僵橈檀分幾種翠栢擁千章叢

少豺狼穴衣無棘刺妨林中不生荆棘

一人迴顧盼萬彙盡殷昌忝主東家鬯頻膺

北闕慶遭逢真不世優渥愧難當

褒寵松筠節輝騰棹楔坊

匾額賜臣祖母

頌詩追雅頌

御製過闕里及古檜

賜賦陋班楊有時檜樹賦上乍捧豐貂笥兼承獸錦筐

精鏐天地寶秘簡日星芒

有經書貂裘麟賜子姓蒙

甄錄蒐羅到桷杗

五氏人員皆蒙講書官復蒙格外

恩議叙簡用

蠲租先下

詔時

聖駕經過

擴地旋除糧

林周覽上幸聖

堂南坐

二千餘年

族日繁附葬無所

奏曰共地十日

何不開

臣奏曰

皇孫但垂問及此

籍民田欲

擴不能

尚望

皇特恩賜

給林地上曰即具

有奇免

疏上奉

旨增廣

孔林地一十一頃

恩覃上下庠涓埃何以報

高厚固難償芹獻同田父葵傾祝我

皇綿綿增

寶歷秩秩衍

銀潢卦定呈龍馬巢應下鳳凰太

和盈宇宙景運屬

明良願泛千春酒恭稱

萬歲觴謠吟歌有截舞蹈頌無疆

夏日詠冰

未入盧家已露妍晶瑩獨立風端半床帙散分

餘潤六月堂深對此寒氣逼座間蠅寂寐光澄鏡

裏影珊珊怪他出壑清姿瘦化作琅玕映玉盤

同人飲南溪觀荷

畫船移近小橋西正喜疎星映柳堤風動乍聞蓮
葉響競看窓外雨淒淒

其二

蒼蒼雲水柳含烟明月中流太乙蓮逸興欲來須
縱酒啣杯醉寫雪濤箋

其三

同人竟日漾中流風送芰荷香更幽酌酒放歌歡
未已月明為我一遲留

秋月

秋月圓如璧清光澹照人漸移丹桂影斜映碧簾
新皎皎明千里團團轉一輪金波凝玉兔寒氣逼
星辰

夏日即事

夏日陰雲覆短牆小牕閒坐寫貞娘臨池頓覺心
神爽漫酌山盃喜欲狂

恭愨公蘭堂遺稿上卷終

恭愨公蘭堂遺稿下卷

太子少師光祿大夫襲封衍聖公孔毓圻鐘在著 孫繼汾 涑編輯

同相國王慕齋總憲徐立齋少司空孫杞瞻
學士高江村豐臺賞芍藥八韻

勝日尋芳去連錢並轡新雲開列遠岫雨過條輕
塵路共紆徐入花當爛熳陳風情妍似女氣味美
如醇濃露朝全發明霞夕正勻雕欄風宛轉綺座

日逡巡好句憑傳唱
奇葩獨殿春
豐臺成雅集
俱在畫圖人

桂下飲

閒庭日暮數歸鴉
風送香來滿院花
細雨滴階消却暑
酒酣雲散月方斜

玩金魚

魚中獨有名
閃閃赤光明
日麗開金甲
風微散綠萍
泳游任自得
潛躍適真情
魚樂成吾樂
悠然見化生

張桓侯飛故里

州在涿

一村數舍何孤寂
猶憶將軍氣
概豪事往千年遺
故里感成今日費
抽毫雄心翼漢孤
忠殉大力回天軍
務勞恨斂當年帳
下士夕陽憑弔轉
蕭騷

掃落花

彩雲紅錦半零星
一醉春光方却醒
新燕啄泥香共拾
狂蜂採蕊露初冷
許箇坐客迎風緩
楊徑尋芳帶雨馨
鶯喚深叢聲細細
隨花吹散落山亭

新嘉驛曉行賦得雲霞出海曙

蓮漏初稀曉氣侵雲霞靄靄樹森森一行白鷺翻
寒水幾片紅光帶遠岑路遠荒村秋杵靜目凝碧
落曉雲深驅車驛路逢新景不廢長吟更短吟

挽王文靖相國

清時勲業重蕭侯鼎佐如何不久留北斗高標羣
失望曲江雅度許誰傳擎天正遇明良會逝水空
貽秦晉憂文餘嬾子為話別都門猶似昨拂塵控鶴
作仙遊

東山即景

山樹穿雲暗山風帶雨寒油油春麥浪千頃望中
看

金陵懷古用許用晦韻

王氣衰殘六代終衣冠文物倏然空人歌人舞迷
遺跡江草江花失故宮不見金蓮凌綺席幾回玉
樹謝西風惟餘千古興亡恨總入斜陽憑弔中

其二

聞道當年全盛中樓臺絲管醉春風欲知感慨悲
荒草還把豪華憶舊宮譜就新歌猶未歇選來學

士已成空風流後主真無匹一曲庭花惜未終
宮詩十首

吳宮

姑蘇城外抱江斜處處娃宮碧樹遮傾國蛾眉連
夜舞渡江鼙鼓廿年搥響廊踈雨憐幽草香徑微
風送落花光福塘邊春水滿只留瀉瀨占晴沙

秦宮

混合中原蠶食多阿房營建鬱嵯峨二川水月浮
樓殿六國春風艷綺羅炬付楚人齊王石鹿爭秦

地並干戈驪山舊是宮前道毛女含情泣輦過

楚宮

屹屹章華聳碧霄佳人南國盡妖嬈瓊筵氣煖圍
長袖寶燭風微轉細腰漢水天桃何旖旎湘潭斑
竹自蕭條却嫌賦得高唐夢雲雨從今總未銷

漢宮

趙家姊妹並如花次第承恩入內家步轉裾輕雲
影散舞回腰細柳枝斜昭陽夜永燈猶暖長信春
深夢已賒自是皇孫遭燕啄白頭宮監盡咨嗟

魏宮

銅雀臺高漳水濱
隔江煙黛望中春
心雄橫槊輕天塹
氣盡分香念美人
松栢陵深常帶雨
簾櫳歌罷漫成塵
二喬若赴凌波夢
也使曹瞞賦洛神

晉宮

江東甫定喜安康
燕雀居然處畫梁
虎額建功爭搏豕
蛾眉望幸轉求羊
儘將娛樂酬長夜
但欲溫柔老是鄉
封臂宮人何檢點
門庭有寇不知防

齊宮

六貴招搖共廟堂
潘妃專倖侍君王
貯嬌方欲營金屋
黠鬼偏能引栢梁
貼地芳華隨轉步
塗宮粉麝自矜香
掖庭外戚深承寵
不信梅蟲是狎郎

陳宮

朝朝夜夜樂無窮
結綺臨春內殿通
玉樹歌闌剛落月
雕欄香起正當風
非關河北佳人少
但厭江南王氣終
當日麗華若不死
晉王何以報高公

隋宮

未罷東征土木興
迷樓高建阿嬌增
華林淑景朝

朝綵別館清遊夜夜燈柳拂春江帆去遠歌殘玉
樹夢相仍晉陽尚有宮人在欲說隋朝泪不勝

唐宮

天寶年來世晏清春風一笑進傾城催歌太白清
平曲偷按岐王碧玉笙羯鼓聲停花盡落霓裳舞
破月空明女牛默誓成長恨未卜他生並處生

少昊陵

古陵草色入秋黃八卦苔生壇石荒東出建春三
里許白雲常起舊雲陽陽陵在雲陽山前

其二

官制空傳紀五鳩一年少昊屬司秋若追古帝龍
興處還可憑高眺壽邱

碧桃

曾看官閣紅梅發錯認桃花烘晚霞天上碧桃今
忽見又疑嶺雪壓梅花

題顏夫子廟

聖域惟優入孔門第一人冉曾推好學禹稷共憂
民襄世虛王佐名山仰素臣千秋陋巷處相接杏

蘭堂遺稿
六
壇新

春午

庭午明遲日春光到草堂
簾留香篆久草拂暖風
長歌詠花前杜道遙
象外莊試聽修竹裏
鶯語弄笙簧

兗州夜行

征車軋軋近黃昏
遙望依稀有成屯
數點寒星疎碧落
一輪新月印孤村
雲低埤垵山城暗
風急潺湲泗水奔
燈火三更遠明滅
春聲處處隱柴門

朝京師回途中得春風吹雨過春城之句為

他事所促未及成詩續之撥悶

春風吹雨過春城
梨樹千家散落英
金埒馬嘶芳草長
銀塘絮墮白蘋生
沉沉郭向羣峰靜
漠漠林隨暮靄平
欲去停鞭回首望
山樓粉堞未分明

宋牧仲以詩見示却寄

小隔春風歲數更
夢中猶戀白鷗盟
連鑣曾赴看花席
折柳還分帶月程
南國鉞開留菱舍
東山霖望係蒼生
台衡舊有

天朝相風雅今推洛社英少室煙雲緗帙潤西陂
花木管弦清座成豪飲三千客價抵新篇十五城
投我瓊瑤將遠意思君梁月有餘情何時約上長
安道一榻聯吟詠

帝京

秋日東郊有感

淒涼最易感秋風偶爾閒行出郭東木落霜悲楚
霸墓路荒苔合魯王宮孤村半隱寒煙裏羣鳥紛
飛亂葉中往日豪華今日盡不堪憑弔與誰同

登奎文閣

巋然傑閣凌霄漢憑眺重登最上頭雲裏插青牕
外岫雨餘拖碧檻前流荒蕪將落秦碑日古堞猶
存魯殿秋更自欲窮千里目蒼煙一片隱滄洲

九如堂宴集

詎敢稱梁苑賓朋集舊遊高才歌郢雪俠氣說吳
鉤南北鄉音異古今交道留此宵成雅會玉漏已
經秋

其二

今夕明燈焰 矍玃暖欲浮
舞翻碧玉袖 歌轉雪兒
喉座上人如玉 杯中酒若流
所嗟雲易散 他日戀
羊求

墨蘭

擘得新箋墨 潘寬醉餘隨興寫
芳蘭更添白石 兼
流水頓覺蕭蕭風露寒

墨竹

瀟洒琅玕着墨新 風情似解拂輕塵
箇中領取淇
泉意不用修篁更水濱

雪中蘆雁

蘆荻垂垂鴈息 號江臯飛雪影蕭騷
漸知稍重增
新絮又覺身輕 長素毛兩岸粘天
明遠水一羣清
夜冷空壕遙看野碧 俱同色衝破微茫
只小舸

對月

小庭閒坐對秋風 遙聽砧聲處處同
露下山空天
際渺九州涵在月明中

秋夜有感

天淨風微玉露清 竹深砌下草虫鳴
殘燈相對悄

無語哀雁孤飛遠有情葉落牕前聲瑟瑟鈴飄閣
上響錚錚為將宋賦重看過不覺西樓月四更
余丁卯春 朝覲東歸寫水墨蘭於白溝河
旅壁今二十年矣雖被塵垢之侵而風情
猶在感而賦之

廿載朝

天去復回驛亭風景自悠哉銀鞍初卸逢新釀畫
壁重尋拂舊埃水墨蒼蒼燈數照客懷渺渺雁方
來欣看此處蘭無恙賸我年年白鬢催

初寒

輕陰淡日碧溪煙蕭瑟風光北雁還昨夜殘燈伴
兩枕今朝絮帽對霜天閒看紅葉多添句漫飲清
樽當着綿愛步東籬頻採菊尚來白蝶影翩翩

雨

晴久塵難洗瀟瀟一雨餘斜侵垂岸柳細點出池
魚微覺琴書潤徐看草木舒茆簷成小坐且自樂
吾廬

蘭堂

老夫無事日徜徉坐愛幽棲興味長
自出自歸秋樹鶴不高不下莫山堂
花間留得詩情在燭下猶成酒態狂
修竹茂林松菊徑未妨養拙此間藏

新柳

忽放春光上柳枝小蠻相見隔年時
昨朝含雨初舒眼今日迎風却畫眉
色欲藏鶯黃尚淺條堪繫馬勢先垂
行人未許輕攀折已占風流在水湄

咏蕉扇

裁就炎方蕉葉扇携來當暑有奇功
團團袖裏姮

娥月浙浙懷間少女風可當雪箋常作字
恰同塵柄助談空納涼擬與蒲葵近造化
都歸把握中

望嶽

秋路車盤望岳殷尊嚴聳出衆峰羣
霞興滄海先招日晴見陰巘亦起雲
黛色青浮凌碧漢煙光紫徹帶斜醺
何時得借山房宿萬壑松聲盡夜聞

雍正元年恭遇

皇上繼體

先帝重道尊師

追封 先師五代並如王爵

典禮之隆曠代莫及恭紀一律

聖世崇師道推原報本長

九重邀寵秩五代並稱王隆號加無已

鴻恩出異常春秋尊廟祀袞冕享蒸嘗

過趙北口

如帶平橋落照邊久將春馬踏莎煙
今來秋水連堤沒手捋斑駁上渡船

其二

稌黍沉沉沒浪邊渾如蘆荻起蒼烟
波光撐破三千頃但有拿魚打鴨船

恭愨公蘭堂遺稿下卷終

孫繼洑敬錄

右 先祖恭愨公遺稿二卷凡近體詩七十一首
其在家藏者七首其餘得之戚故之投贈者半賓
朋之傳誦者半泠生也晚不得侍 祖之側聆
祖之訓而手澤寥落又不獲一讀遺編中心悵悵
殊難自己故自搃角之年即嘗求之而未逮也雍
正甲寅乙卯間始與弟涑學誦詩為戲 先大人
取家藏 恭愨公遺詩七首授而讀之且曰汝
祖父為詩詞古文學贍才敏操筆飛動往往語言
文字之外別有旨趣然深自藏匿不欲與時下競

名嘗謂無實學而刻詩文者盜虛聲耳究之人不可欺名不可得祇以見笑而自黜故詩文成即焚棄其稿不許人流傳余日侍左右固請不得雖然不忍見汝 祖父文章之沒沒也勉哉以成余之志也汾唯唯受命今十餘年矣日自思維謂即令草削不可復見而生平與戚故投贈之篇及賓朋傳誦之什尚可就訪也於是備極搜尋無處弗到幸得近體詩六十四首合前詩為七十一首吁以先恭愨公六十年之吟咏所存不滿百篇是存

者無幾而不存者不可勝紀矣不亦悲夫然以

先恭愨公歿經二十餘年之久其遺作彙而集之猶得成卷帙又未始非汾不幸中之大幸也今與弟涑敬編次之分為二卷壽之梨棗為後學立楷模為子孫貽矩矱縱不敢云 先大人之志克以有成正恐篇什離披久復放失更重汾之罪也若夫 先恭愨公之文亦當不終泯沒倘大有所得續刻俟諸異日云

乾隆九年歲次甲子仲春上浣孫繼汾謹跋

先恭愍公之詩發乎性靈援筆立就不加點而自
中程度一時之遞相倡和者如新城王阮亭崑山
徐東海商邱宋牧仲長洲韓慕廬諸公莫不心儀
而折服之 公作詩每甫脫輒然其稿謂詩不到
古人聊自怡悅可耳何必留以問世是以 先大
人日侍左右固請存以鏤板而卒不可得所藏於
家者為近體詩七首因偶揮洒墨蹟得並存竊憶
公生平尚氣誼廣交遊詩篇流於海內且 公
善書工水墨蘭竹兄汾與涑共索之親戚故舊及

常所往來者并託轉為搜羅或於扇頭或於縑素
或於屏障畫卷留心幾十年所得詩六十四首合
前存詩共七十一首皆近體也 公幼而能詩且
垂名幾六十年其赫棄不自存者不必問矣即詩
之與人書者與題畫者計所得祇于是則當時扇
頭縑素屏障畫卷其散佚不可收拾者不知凡幾
而在扇頭縑素屏障畫卷之詩其遺失不可訪求
者亦不知凡幾今第存什一於千百使不編而輯
之恐後日之并此而亡之也於是敬錄之付之梓

者乾隆九年歲在甲子仲春既望孫繼涑謹跋

